

105 **Brief landshöfðingja til stiptsyfirvaldanna um lántöku handa Ólafsvallapresta-**
 30. júní **kalli til húsbýggingar.** — Samkvæmt tillögum hinna heiðruðu stiptsyfirvalda í þókn-
 anlegu brjefi, dagsettu 17. þ. m., vil jeg hjermeð veita samþykki mitt til þess að
 presturinn á Ólafsvöllum í Árnesprófastsdæmi, síra Bryjólfur Jónsson, taki 800
 króna embættislán úr landsjóði handa prestakallinu, til þess að koma upp á
 prestsetrinu einloptuðu íbúðarhúsi úr timbri, er sje eigi minna að flatarmáli en
 15×9 álnir, undir bárujárnpaki á borðsúð og varið með bárujárni að minnsta
 kosti móti regnátum, og að öðru leyti með því fyrirkomulagi og herbergjaskip-
 an, sem prófasturinn í Árnessýslu álitur haganlegasta. Ennfremur er þetta lán-
 tökuleyfi þeim skilyrðum bundið, að síðari helmingur lánsins ekki verði útborg-
 aður fyrri en sannað er með reglulegri skodunargjörð þar til útnefndra manna
 að húsið sje fullgjört og í áskildu standi, að lánið verði endurborgað af tekjum
 prestakallsins á 20 árum samfleytt með $\frac{1}{20}$ hluta lánsins á ári auk vaxta, að
 sannað verði á fullnægjandi hátt að húsið sje traust og vel vandað, að húsið með
 eldavjel og nauðsynlegum ofnum verði eign prestakallsins; enda mega þá niður
 falla eptirnefnd bæjarhús: badstofa, göng og bæjardyr, að presturinn haldi hús-
 inu vátryggðu fyrir 1000 kr. að minnsta kosti, og að presturinn eða dánarbú
 hans skili húsinu við burtför eða fráfall hans í góðu og gildu standi eða með
 fullu álagi.

Þetta er stiptsyfirvöldunum hjermeð þjónustusamleða til vitundar gefið
 til þóknanlegrar leiðbeiningar og frekari birtingar.

106 **Brjef ráðgjafans fyrir Ísland til landshöfðingja um fjárráð giptra kvenna.** —
 6. júlí Með þóknanlegu brjefi, dagsettu 30. nóvbr. f. á., hafið þjer, herra landshöfðingi,
 sent hingað þingsályktun, sem alþingi 1895 hefir samþykkt, um að undirbúa og
 leggja fyrir næsta þing lagafrumvarp, er tryggi betur en lög gjöra nú rjett
 giptra kvenna gegn ráðdeildarleysi eða fjársóun eiginmanna þeirra á fjelagsbú-
 inu. Svo hafið þjer og sent hingað uppkast til laga, er þjer hafið samið í þessu
 augnamiði um fjárlag hjóna, og í öllu verulegu er samhljóða norskum lögum frá
 29. júní 1888.

Ráðaneytið hefir þvinæst tekið til ihugunar samning lagafrumvarps um
 þetta efni, og einnig leitað álits eins meðal hinna fremstu lögfræðinga vorra.
 Að það samt eigi að svo stöddu hefir þótt ástæða til að koma því í kring, er
 með þarf til að geta lagt fyrir þingið frumvarp til laga þeirra, er óskað er
 eptir, kemur af því, að það hefir verið um það hugsað og nú eru svo miklar
 líkur til þess, að fyrir konungsríkið verði slíkt lagasmíði undirbúið af þeim
 mönnum, er til þess eru færastir, og því væntanlega komið á framfæri, að ráða-
 neytinu hefir þótt heppilegast að því er til Íslands kemur að bíða eptir árangr-
 inum af þessu lagasmíði, er og mætti að gagni koma fyrirhugaðri islenzkri lög-
 gjöf; enda virðist eigi rjett að hafna þeim stuðningi, sem af dönskum lögum í

þessu efni mætti hafa, þegar um jafnörðugt og þýðingarmikið löggjafaratríði er að ræða. **106**
6. júlí

Þetta er yður hjer með þjónustusamlega til vitundar gefið til þóknanlegrar leiðbeiningar og birtingar í B deild Stjórnartíðindanna.

Brjef ráðgjafans fyrir Island til landshöfðingja um að sóknarpresturinn í Helgafellsprestakalli skuli búa í Stykkishólmi eða þar í grend. — Eptir mótuöku þóknanlegs brjefs yðar, herra landshöfðingji, dagsett 29. marz þ. á., hefir ráðaneytið allraþegnsamlegast lagt það til og hans hátign konunginum þann 25. f. m. allra-mildilegast þóknast að samþykkja það, að sóknarpresturinn í Helgafellsprestakalli í Snæfellsnesprófastsdæmi skuli hjer eptir skyldur að búa í Stykkishólms verzlunarstað eða rjett þar í grendinni, eptir því sem biskup nánara kveður á um. **107**
8. júlí

Þetta er yður, herra landshöfðingi, hjer með þjónustusamlega til vitundar gefið til þóknanlegrar leiðbeiningar og birtingar fyrir hlutadeigendum, svo og til auglýsingar í B deild Stjórnartíðindanna.

Brjef landshöfðingja til sýslumannsins í Árnessýslu um styrk til gufubátsferða með suðurströnd landsins. — Samkvæmt beiðni sýslunefndanna í Árnessýslu og Rangárvallasýslu, tillögum yðar, herra sýslamaður, í þóknanlegu brjefi, dagsettu 30. f. m., og sýslumannsins í Rangárvallasýslu í brjefi, dagsettu 21. s. m., vil jeg hjermeð af fje því, sem í 12. gr. C. a. hinna núgildandi fjárlaga er veitt til gufubátsferða í Sunnlendingafjórðungi og á Faxaflóa, veita til gufubátsferða í Sunnlendingafjórðungi milli Reykjavíkur og Eyrarbakka á þessu sumri 750 krónur til móts við 250 krónur samtals úr sýslusjóðum tjeðra sýslufjelaga. **108**
8. júlí

Þetta er yður, herra sýslamaður, hjermeð þjónustusamlega til vitundar gefið til þóknanlegrar leiðbeiningar og frekari ráðstöfunar.

Brjef landshöfðingja til stiðtsyfirvaldanna um lántöku handa prestakalli. — Samkvæmt tillögum yðar, herra amtmaður, og yðar, herra biskup, í þóknanlegu brjefi, dagsettu 10. þ. m., vil jeg hjer með veita samþykki mitt til þess að presturinn að Prestsbakka í Vesturskaptafellsprófastsdæmi, síra Magnús Bjarnarson, taki allt að 3500 króna lán upp á tekjur prestakallsins til þess að byggja á prestssetrinu íbúðarhús úr timbri, 18 álna langt, 6 álna breitt, 4 álnir undir lopt, með 1½ áln. porti og skúr fram með annari hliðinni, 5 álna breiðum en jafnlöngum húsinu og með kjallara undir húsinu, 5 álna breiðum og 12 álna löngum. Á húsið og skúrinn að vera með járnþaki og járnvarið á hliðum og **109**
20. júlí